

災祥

西晉

太康七年十二月己亥毗陵雷電南沙司鹽都尉戴

亮以聞南史

東晉

明帝泰寧三年三月白鳥見吳郡海虞獲以獻羣官

畢賀宋書瑞符志

宋

天聖元年大水

海虞別乘

災祥

全淑照堂叢書

元豐元年七月四日夜大風雨水高二丈

四年七月大水

政和元年仲秋中澣大水霧雨不止

紹興二十八年大水救荒補遺

元

至元二十四年水潦為災郡志

大德五年辛丑七月朔淮浙閩海盜百里潮高數十

丈蘇之颶風尤惡郡縣治吹起入半空及僧寺民

居亦多罹其患太湖之水幾入葑門市井傳舍為

之蕭索

三恪曰。余祖世居潁川。值宋版蕩。僑居蘇郡之黃牛坊。罹大德之變。墻屋傾覆。福乙公始於荒度。虞山之高壟。而居焉。籍海虞。實昉於此。

至正六年。日色如血。

七年春正既望。月夜出無光。草木子。

九年冬十一月。天裂天漢之旁。

十年冬十一月。雨黑子如稗實。

十二年十三年。海潮不波。是秋大旱。溪澗皆竭。

海虞別乘

災祥

全

叔照堂叢書

十四年春。大風拔木。又大雨。凡八十餘日。兩浙大飢。是夏赤星見。

十七年冬十二月。天裂西北。草木子等雜著。

十八年冬十月。有兩日相擊。黑光摩盪。十二月朔。

雨雪中。東方有赤虹貫於中天。

十九年秋九月晦日。天甫明。西南方天裂。紅光燭地。

移時始復。冬十月。白虹貫日。

雪中雷電。自至正十年以後。屢屢之見之。蓋陰陽差舛之氣。異乎常也。辛亥春。其變輕。癸丑春正月十一。

日雷而大雪者凡三四日又甚甚也五世祖祥卿漫記
至正庚子二月六日浙西諸郡震震霆掣電雪大如
掌頃刻積深尺餘人甚驚異志餘

明

洪武初庫藏灾劉昇志

永樂二十三年七月海潮泛溢

景泰六年乙亥春夏大疫地震十月虎入城交合民

溫氏獲之舊志

天順四年五月大水斗米百錢

海虞別乘

災祥

三 淑照堂叢書

五年秋七月五日夜風雨大作平地潮湧丈許民漂
沒死者千餘人

七年冬十一月二十七日夜大雷雨

成化元年夏大水

八年夏四月麥秀雨岐

十五年九月二十日地震

十六年冬十二月冰堅踰月舟楫不通

十七年春夏大旱蝗食禾秋大水虎傷人

十八年春夏大水

十九年元旦大雪
二十一年秋大旱

弘治元年夏五月十八日大風雨禾盡偃飛鳥殞十
二月虞山鳴

四年正月至六月淫雨民不得稼五年五月大水田
禾壞民多流徙大疫六年夏仍潦八月有蟲類蚊
蚋聚檐楹樹木間羣飛蔽空越旬得雨滅七年復
大潦浸城郭舟入市八年底田丰收九年高低田
禾大熟十年麥秀兩岐十一年夏六月十一日水

海虞別乘

災祥

八十四

淑照堂叢書

溢

十一年六月十一日申刻邑中河渠池澤以及井震
蕩湧起三四尺

正德四年秋七月六日靈雨凡五晝夜不休彌望如
湖歲大稔

正德五年庚午大水臘月五、六日雷鳴西南不止二
十八日立春五更時雷鳴於北蔣瞻祥集

三恪曰嚴文靖水利圩圖序惟引正德庚午嘉
靖辛酉則此二年之大水可知

六年辛未大水。元日壬子。東南風暖。至暮雷電大雨。
甲寅雷雨尤大。乙卯丙辰。復冰雪。沍寒。七月二十
六七日。大風海湧。大疫。

七年朔。寇劉七等亂。江上有豪豬來。入致道觀。桑翹
有豪豬來詩。八年冬大雪。九年天鼓鳴。十年大水。
十三年戊寅五月十五日。有龍見於予邑西北。自大
墅橋東入於海。所經民居牛馬柱礎。碓磨之類。悉
飛蕩空中。如燕雀。凡林木雖聯抱。性脆者中絕。堅
者株拔。莫有免者。人徒步遇之。或數里而墮。在舟

海虞別乘

災祥

全五 叔照堂叢書

中遇之。併舟飄舉。或數十百步。而後墮。烟雲繚繞。
天地晦黑。掣掣電中見一白龍。目如雙炬。玉光閃
爍。蟠亘無際。前有黑龍。差小。若導之者。然自後霖
雨。凡五晝夜不止。江南災。人有遇之而墮者。自言如
在夢中。初不自知也。有僧結佛堂在水之南。僧偶
出。雨霽。僧還。乃徙在水北。壁落如故。封鑰宛然。此
尤可怪也。守臣雖嘗具奏。而未盡其變怪之詳。此
亦特其略耳。高坡異纂。

嘉靖元年壬午七月二十五日。風雨大作。海潮湧溢。

十二月十六日江豚一口自白茆塘而上至尚湖之會同涇回入福山港入江民以為異桑翹集

十八年七月海溢高二丈餘

二十三年甲辰吳中飛蝗蔽天田中多張五色旗鳴金伐鼓以逐稍懈則數畝立盡

三十三年三月日出沒時有黑如日者百數游移日

邊日上有黑氣摩盪如漆盞者覆之光四露如線

四月倭復至

三十四年十月二十五日雨赤豆

海虞別乘 災祥

八七 淑照堂叢書

四十年辛酉五月初五日夜月在西南有星附其背

若鮫鈴之狀果然大水 寅齋

萬曆四年丙子九月下旬余館陶蕩晨起陰霧蔽天

昏若凝塵咫尺不辨柳葉滴潤如大雨明年大水

田稍下者悉滄沒

五年夏麥大熟冬虎至虞山歷鎮海門留月餘乃去

是年十月朔異星見西南歷箕尾而進光芒長亘

天狀若練氣成白虹天官星家言占驗者不一 星變志

六年九月彗星見西南有光如帚長二丈色白後數

年倭奴以小西飛來乞貢東事幾危譯知其造謀製船蓋是歲云私志

是年冬雨木冰枝柯如水晶風吹之聲清越如環珮石橋如白壁削成滑不可登余從溪橋樓度殿橋匍匐而過檐溜成冰條垂至地既而朔雪決旬深沒牛腹寒飢者多僵死自仲冬至明年正月晦迺晴華顛之老所未覩

七年己卯正月一日雨雪瓦上積三四尺瓦屋草房壓倒先算五月望大雨至七月晦乃晴惟始生魄

海虞別乘

災祥

全上 淑堂照叢書

日襄事祖母盡日晴明蓋各父蹠塗淖中籲天三日所感也于是田廬成巨浸一望如海攘奪蜂起城門辰啟申闔盜賊公行人不自保矣是歲十二月十一日昏時大雷電風雨移時而息

邑治之私宅回祿於縣令沈夢斗之時其年萬厯之甲申也火從煎藥起逐令而走焚燒殆盡而不及庫藏

八年庚辰夏大雨水溢城內階衢及田廬恣成巨浸哭聲震野又兼疫癘盛行死者僵仆相續至有一

家斃二十餘人者田之高者幸雨不如它年之甚驟所以稍存獨無奈是年令邑留震臣之貪殘慘酷民不聊生也先是萬厯初婁江一搢紳与邑豪某倡議革糧長不用以排年細戶充糧長不知太祖之制惟吳浙江西催糧不用排年而用糧長蓋財賦之多莫若吳浙是以特設糧長統之當事者多非吳浙人惟見其地之用排年不知太祖大誥三篇中首標常熟秋糧四十萬石有零設糧長三十餘名掌之蓋以大戶為糧長掌管本都人民秋糧

海虞別乘

吳祥

六

淑照堂叢書

夏稅而是時不遵太祖之制革糧長而用排年蓋吳中排年不遺下戶其中雖多舊家然強半懦弱窶人方惟富民与里猾之聲勢是懼所輸不能如期莫可奈何与皂之所謂分管者從而需索凌轢之貧民無措莫不鬻產棄田甚至鬻妻賣子以完未輸之稅至於无所鬻而赤身比併苦受重刑是時留令之鞭朴甚者一百輕者不減五十有丁男者全家遞受或一家止一二人鞭傷困卧則捽其髻鬣之童入縣庭亦扑至二三十不恤其死一月

之間必死。至數百人。至有一家之內。父子祖孫相繼而死者。亦有兄終弟繼者。或累及鄉黨親戚。哭聲徧野。農時棄耕而伺候於公庭之間。轟雷震耳。電光眩目。鞭扑亦不少停。語云。留知縣做官。扑聲與雷聲並震。血水與雨水同流。至階下水潦沒脛。曳比較人戶于其中。囊以三木。哀號不顧。虐可知矣。自此貧民無不蕩產。闔閭皆空。如經喪亂。余三黨戚。歷其役者。无一孑遺。亦曠古所无之奇禍也。邇年不用糧長。亦不比排年。而專摘欠多比。區皂

海虞別乘

災祥

八十九

淑照堂叢書

小民得脫湯火。其法昉於耿邑令橘。耿才故有餘。徵糧之法。實亘古不易。百世无弊者。至徵漕糧。則永嘉王公瑞旃。以司李署縣事。而創公正領克之法。邑公景山。楊公鼎熙。至又條便宜數事。勒石著令。益盡善美。後之司牧者。師三公之意。而通變之。虞民其有二天矣。至於設用糧長。國初時。民俗樸茂。故可行。今用之。又斲不破家矣。

十年二月十九日。雪霰甚積五寸。而電閃雷烈。令人神驚。春秋雷雪同月。以為災况。同日乎。

七月十三日莫颶風大作海水涌起丈許漂沒福
山梅李白茆沿海廬舍男婦死者十之二三衣糧
貨產俱盡或為屋廬崩壓卒不及避或出戶履于
深淖或乘舟欲避而掀入江潭蓋颶風起于半夜
及晨而仍大風雨乘舟者多掀入江海自常鎮蘇
松甯紹无不被灾者私志

十四年有朱鵲集叢林私志

丙戌秋淫潦之後繼以積陰民間薪米騰涌而薪
尤甚尺朽重於尋桂至嘉平月復多陰民益困是

海虞別乘

災祥

九十 淑照堂叢書

歲於除夕前一日立春當乙夜即大雨如夏月連
旦歲夜雨稍開歲旦陰無日晚刻暖甚如莫春昏
時即雷電交作乃大風颺屋瓦至朏日月平如仰
盃色微赤如初升日與長庚相並行是後惟昏時
見月至人日陰稍開穀日陰次即細雨濛密如霧
不休後雨雪雜作至元夕益甚雨木冰寒甚鷹隼
皆伏不能飛有詠之者曰銀燭家々深雪映冰花
樹々百枝懸蓋寔錄也
是年村婦生物遍體毛自在頂兩角二脊一尾旋

跳屋梁鉏擊之死

十五年元夕木冰望之瑩白三日乃融四月十九日縣治內旋風起吏房椽家飄一席去羣鶴隨之衆擁視如舟入雲霄沒五月六月八月大雨田盡巨浸

十六年春霖夏暵大疫米斗錢三百二十比銀分一錢比銀分一民官為粥飼之得粥死者比比茅塞於路城壕浮屍篙櫓為礙錢侍御岱首發粟三千斛人各四升錢順化亦發粟掩骼費幾萬云

海虞別乘

災祥

九十一 淑照堂叢書

余遭歲祲亦屢矣然未有如萬曆十六年之甚嘉靖三十三年三十八年並大旱四十年大水萬曆七年八年相繼大水其末價猶一兩以內獨萬曆十七年當水荒之後而又值旱荒故米價直至一兩七錢人言嘉靖廿三年米價亦登一兩五錢然不過數日而止獨是年則自夏至秋未嘗少減寺觀莽院中飢民相聚而居疫癘相染死者不知幾萬人余嘗一至書院前見門房內有僵者有呻吟者有鵠形獸面非復人狀者有奄奄氣息者縱橫枕

籍雜乎死屍之間者累々。傍一人告余曰。今朝已
擡去幾許矣。又曰。日日如此。當是時而得延殘喘
亦幸矣哉。周寅齋記

十九年大水。七月十日。海濱訛傳倭至。富家大族少
婦幼女俱褰裳涉水。多溺死者。市鎮一空。城門晝
閉。次日乃息。此後關白果擾朝鮮。吳中戒嚴而常
熟有增城之役。

歲已亥秋。非卯非胎。忽陰霧中墮長喙異虫。蔓如蜂
蟻。齒鋸色黔。不可名狀。其在松也。據梢嚼葉。颯々

海虞別乘

災祥

九十一 淑照堂叢書

有聲。樹漸凋謝。山中先隴俱受其害。孝子不無松
楸之感。松死而其蟲一朝忽化去。父老皆云。二百
年來不聞松之受嚙如此異哉。俗呼為松蠶云。西
漫記

庚子歲雷震虞山大石。石在三皇閣前。雷甚厲。居民
遙見火在石旁。烟焰蓬勃。雨過就視之。剝石角數
塊。遍地皆小珠。珠圓而瑩。手按之則碎如粉。作硫
黃氣。懶餘錄

三十六年戊申四月下旬大雨起。至七月下旬始晴。

城中街衢積潦盈尺城外一望無際郡抵邑邑抵各鄉皆不由故道望浮樹浮圖為志直從人家檐際擊汰揚帆而已高低腴田盡為魚龍之窟兩臺疏入吾邑有全滄半滄之分全滄者本折俱免半滄者免本色而徵折色之半米價至一兩三錢歲歉而民無菜色蓋猶有盛世之風焉

三十七年己酉楊公漣為邑令時仲秋丁祭殿西鴟吻上騰異光丈許其色青紅次年錢公謙益以探花及第自記

海虞別乘

災祥

九三 淑照堂叢書

庚戌夏大雨下田不登值撫臺交代竟未聞奏征輸迫促鄉民益困當事者弗察時邑令楊公漣住俸再三

天啟癸亥十二月廿二酉初地震有聲薨々自西北來墻屋几榻俱搖行者皆仆東刹浮屠亦搖側其頂城内外地面盡裂次年甲子大水懶餘錄

丙寅七月初一大風城中屋木皆拔何市陸秀才鰲與妾共寢風發其屋屋梁下壓釘穿其腦而死先是三十日夜黑雲布牛斗間氣色可畏余甚訝之

次日利害遂如此同上
天啟丁卯農畝蠛蠓為災細如蟣黑色聚于穉穗之上不啗而黃隕矣其來自七八月者全傷或已實而傷者米色如紙灰弱不任舂柴亦枯瘁燎之無力人以為奇荒

崇禎二年己巳十月十六晚日正西有黑氣自西徂東橫亘天腰烟雲擁護之雲散氣益惡入酉方滅予兄弟見而怪之舉以問友皆未之見也至十一月終方知大清以是日入關士民之死於事死于

海虞別乘 災祥

九十四 淑照堂叢書

法者无算氛祲之驗如此嬾餘錄

人言地震亦水震丁未震而戊申沒癸亥震而甲子沒然己巳震而次年庚午大熟竟不驗是年雨暘時若黍稌交登夏熱不灼肌冬寒不裂膚民无疫癘一鉏一編如游化國洵天子之福兆民之慶也安得自今以往常如庚午年哉同上

崇禎六年六月二十五日早起大風雨至半夜止水湧二尺有半數年中所未經之變也